

全上古三代秦漢三國六朝文

全漢文卷十四

烏程嚴可均校輯

韓信

信淮陰人仕項爲郎中亡歸漢爲連敖遷治粟都尉拜大將軍  
漢四年立爲齊王五年更立爲楚王六年爲高帝所執封淮陰  
侯十一年謀反夷三族有兵法三篇

上尊號疏

楚王韓信韓王信淮南王英布梁王彭越故衡山王吳芮趙王張敖燕王臧荼昧死再拜言大王陛下先時秦爲亡道天下誅之大  
王先得秦王定關中於天下功最多存亡定危救敗繼絕已安萬  
民功威德厚又加惠於諸侯王有功者使得立社稷地分已定而  
位號比擬亡上下之分大王功德之著於後世不宜昧死再拜上  
皇帝尊號

漢書高紀下五年正月諸侯上疏

大王起於細微、滅亂秦、威動海內、又已辟陋之地、自漢中行威德、誅不義、立有功、平定海內、功臣皆受地食邑、非私之也、大王德施四海、諸侯王不足已道之、居帝位甚實、宜願大王已幸天下、漢書高紀

蕭何

何、沛人、秦時爲縣主吏掾、郡卒史、高帝起兵、已爲沛丞、及王漢中、已爲丞相、漢五年、卽皇帝位、封鄧侯、十一年、拜相國、惠帝二年卒、謚曰文終侯、

令諸大夫

進不滿千錢、坐之堂下、

史記高紀、呂公避仇、因家沛、沛中豪傑吏聞、令有重客、皆往賀、蕭何爲主吏、主進、令

諸大夫、又見漢書高紀、

天子所服議

丞相臣何、御史大夫臣昌、謹與將軍臣陵、太子太傅臣通等議、春

夏秋冬、天子所服、當法天地之數、中得人和、故自天子王侯有土之君、下及兆民、能法天地、順四時、已治國家、身亡禍殃、年壽永究、是奉宗廟安天下之大禮也、臣請法之、

漢書魏相傳

張良

良字子房、韓人、高帝起沛、拜爲廢將、項梁已爲韓司徒、漢六年、封留侯、惠帝六年卒、謚曰文成侯、

遺項王書

漢王失職、欲得關中、如約卽止、不敢復東、

漢書張良傳又見高紀無王失職三字

又呂齊反書遺項王

齊與趙欲并滅楚

漢書張良傳

按小說有張良與四皓書四皓答張良書謂出殷芸小說其辭膚淺非秦漢人語殷芸梁人亦未必收此蓋近代人僞作也今姑附于後張良與四皓書云良曰仰惟先生乘超世之殊操身在六合之間志凌造化之表但有大漢受命顧靈顯集神母告符足呂宅兆民之心先生當此時釋神爽平雲霄濯風翼于天漢使九門之外有非常之客北關之下有神氣之賓而淵遊仙

隱竊爲先生不取也良曰頑薄承乏忝官所謂絕景不御而駕  
服駑駘方今元首欽明文思百揆之佐立則延企坐則引領日  
月而方丈百御夜寢而閭闔不閉垂皇極須日月百揚光后土  
待獄讀已導滯而當聖世鸞鳳林棲不翔乎太清麒麟岳邁不  
步于郊草非所已盛入荒慰六令也不翔乎太清麒麟岳邁不  
至言想望巖然不猜其意張良白四皓答書云竄蟄幽藪深谷  
是室豈悟雲雨之使奄然萃止方今三章之命逕殷湯之廣澤  
禮隆樂和四海克諧六律及于絲竹和聲應于金石飛鳥翔于  
紫闕百獸出于九門頑夫固陋守彼巖穴足未嘗踐閭閻目未  
曾見廊廟野食于豐草之中避暑于林木之下望月晦然後知  
弓弩之須諱伐木然後知斧柯之用當秦項之艱難力不能負  
干戈攜手逃奔避殺山草倚柯若立循木似濟遂羞青蠅盜聲  
于晨雞魚目竊價于隨珠公侯應靈挺特神父授策蓋無幽而  
不明也豈有烹鼎和味而顧令枚麥廁方丈之御彼龍服衣而  
欲使女難上紺綾之緒恐滑泥已濁白水賜摩已亂清風是已  
承命傾筐問寵若機謹因飛龍之使已寫鳴蟬之音乞守免鹿  
之志終其寄生之命也

陳平

平陳留陽武人仕魏王咎爲太僕去從項王入關賜爵卿尋封  
信武君拜都尉去從高帝仍拜都尉典護軍爲亞將尋拜護軍  
中尉漢六年封戶牖侯七年更封曲逆侯高帝崩爲郎中令惠

帝六年爲左丞相高后元年徙右丞相文帝卽位復爲左丞相  
二年卒諡曰獻侯

奏議定列侯功次

丞相臣平言謹與絳侯臣勃曲周侯臣商潁陰侯臣嬰安國侯臣  
陵等議列侯幸得賜餐錢奉邑陛下加惠臣功次定朝位臣請臧  
高廟漢書高后紀二年詔差次列侯功其與  
列侯議定奏之丞相臣平云云奏可

上代王卽位議

丞相臣平太尉臣勃大將軍臣武御史大夫臣蒼宗正臣郢朱虛  
侯臣章東牟侯臣興居典客臣揭再拜言大王足下子弘等皆非  
孝惠皇帝子不當奉宗廟臣謹請陰安侯頃王后琅邪王列侯二  
千石議大王高皇帝子宜爲嗣願大王卽天子位漢書文紀周月  
己酉入代邸羣  
臣從至  
上議

奉詔除連坐法議

陛下幸加大惠於天下、使有罪不收、無罪不相坐、甚威德、臣等所不及也、臣等謹奉詔、盡除收律、相坐法、

漢書刑法志孝文二年詔議收律相坐法左右丞相

周勃陳平奏言如其故便帝復曰宜孰計之平勃乃曰云云

周勃

勃沛人、高帝起沛、已爲中涓、賜爵五大夫、楚懷王拜爲襄賁令、及入關、賜爵威武侯、尋拜將軍、封絳侯、遷太尉、進相國、歷惠帝至高后時、並爲太尉、文帝卽位、已爲右丞相、後謝歸、及陳平卒、復爲丞相、免就國、卒諡曰武侯、

入北軍行令軍中

爲呂氏右禮、爲劉氏左禮、

史記呂后紀

奏仍用連坐法議

父母妻子同產相坐及收、所已累其心、使重犯法也、收之之道、所由來久矣、臣之愚計、已爲如其故使、

漢書刑法志孝文二年詔議除收律相坐法左右丞相周

勅陳平  
奏言

酈食其

食其陳留高陽人秦時爲里監門高帝下陳留已爲廣野君漢四年爲齊王田廣所烹

踵軍門上謁

高陽賤民酈食其竊聞沛公暴露將兵助楚討不義敬勞從者願得望見口畫天下便事

史記

請說齊王

臣聞之知天之天者王事可成不知天之天者王事不可成王者曰民爲天而民曰食爲天夫敖倉天下轉輸久矣臣聞其下乃有藏粟甚多楚人拔榮陽不堅守敖倉迺引而東令適卒分守成皋此乃天所曰資漢方今楚易取而漢反卻自奪便臣竊曰爲過矣且兩雄不俱立楚漢久相持不決百姓騷動海內搖蕩農夫釋耒



紅女下機天下之心未有所定也願足下急復進兵收取滎陽據敖庾之粟塞成皋之險杜太行之道距飛狐之口守白馬之津日示諸侯形制之勢則天下知所歸矣方今燕趙已定唯齊未下今田廣據千里之齊田閒將二十萬眾軍於歷城諸田宗彊負海岱阻河濟南近楚齊人多變詐足下雖遣數十萬師未可日歲月破也臣請奉明詔說齊王使爲漢而稱東藩

漢書酈食其傳

婁敬

敬齊人漢五年日褐衣見賜姓劉拜郎中號奉春君七年平城圍解封關內侯號建信侯

上書諫高祖

陛下取天下不與成周同而欲比隆成周臣竊以爲不侔

晉書段灼傳灼

長假臨去上表引

成卒婁敬上書諫

作丹書鐵券與匈奴分土界

自海曰南冠蓋之士處焉自海曰北豐強之士處焉北堂書鈔一  
百四引三補  
故事、裴敬為高車使者持節至匈奴與其分  
土界、作丹書鐵券、按陳禹謨本作剛強、

張蒼

蒼一作倉、陽武人、秦時為御史、主柱下方書、有罪亡歸漢、二年  
為常山守、三年為代相、尋徙相、趙王張耳及耳子敖封北平侯、  
遷為計相、曰列侯居相府、十一年為淮南相、高后八年為御史  
大夫、文帝四年代灌嬰為丞相、後二年免、景帝五年卒、年百餘  
歲、謚曰文侯、

奏論淮南王長罪

丞相臣張蒼、典客臣馮敬、行御史大夫事宗正臣逸、廷尉臣賀、倘  
盜賊中尉臣福、昧死言、淮南王長廢先帝法、不聽天子詔、居處無  
度、為黃屋、蓋乘輿、出入擬於天子、擅為法令、不用漢法、及所置吏  
曰其郎中春為丞相、聚收漢諸侯人、及有罪亡者、匿與居、為治家

室賜其財物爵祿田宅爵或至關內侯奉邑二千石所不當得欲  
已有爲大夫但士伍開章等七十人與棘蒲侯太子奇謀反欲  
危宗廟社稷使開章陰告長與謀使閭越及匈奴發其兵開章之  
淮南見長長數與坐語飲食爲家室娶婦邑二千石俸奉之開章  
使人告但已言之王春使使報但等吏覺知使長安尉奇等往捕  
開章長匿不予與故中尉簡忌謀殺邑閉口爲棺槨衣衾葬之肥  
陵邑謾吏曰不知安在又佯聚土樹表其上曰開章死埋此下及  
長身自賊殺無罪者一人令吏論殺無罪者六人爲命漢書作棄  
市罪詐捕命者邑除罪擅罪人罪人無告劾繫治城旦春邑上十  
四人赦免罪人死罪十八人城旦春邑下五十八人賜人爵關內  
侯邑下九十四人前日長病陛下憂苦之使使者賜書棗脯長不  
欲受賜不肯見拜使者南海民處廬江界中者反淮南吏卒擊之  
陛下曰淮南民貧苦遣使者賜長帛五千匹邑賜吏卒勞苦者長

不欲受賜、謾言曰：「無勞苦者。」南海民王織上書獻璧。漢書作獻璧帛。皇帝

忌擅燔其書，不召問。吏請召治忌，長不遣。謾言曰：「忌病春。」又請長

願入見。長怒曰：「女欲離我，自附漢。」長當棄市。漢書作長所犯。臣請

論如法。史記淮南王傳又見漢書淮南傳少百三十餘字。

臣蒼、臣敬、臣逸、臣福、臣賀昧死言：臣謹與列侯臣嬰等四十三人

議，皆曰：「長不奉法度，不聽天子詔，乃陰聚徒黨，及謀反者，厚養亡

命，欲曰有為。」臣等議論如法。史記淮南王傳。

臣蒼等昧死言：長有大死罪，陛下不忍致法，幸赦廢勿王。臣請處

蜀郡嚴道邛郵，遣其子母從居，縣為築蓋家室，皆廩食，給薪菜鹽

豉、炊食器席蓐。臣等昧死請，請布告天下。史記淮南王傳。

奏駁公孫臣漢應土德議

漢乃水德之始，河決金堤，其符也。冬始，冬十月，色外黑內赤，與德

相應，如公孫臣言，非也。史記封禪書。

奏議除肉刑

肉刑所已禁姦所由來者久矣陛下下明詔憐萬民之一有過被刑者終身不息及罪人欲改行爲善而道亡繇至於威德臣等所不及也臣謹議請定律曰諸當完者完爲城旦春當黥者髡鉗爲城旦春當劓者笞三百當斬左止者笞五百當斬右止及殺人先自告及吏坐受賕枉法守縣官財物而卽盜之已論命復有笞罪者皆棄市罪人獄已決完爲城旦春滿三歲爲鬼薪白粲鬼薪白粲一歲爲隸臣妾隸臣妾一歲免爲庶人隸臣妾滿二歲爲司寇司寇一歲及作如司寇二歲皆免爲庶人其逃亡及有罪耐已上不用此令前令之刑城旦春歲而非禁錮者如完爲城旦春歲數自勉臣昧死請

漢書刑法志孝文卽位十三年齊大舍令淄川公嘗天子憐悲其意遂下除肉刑丞相張蒼御史大夫馮敬奏言制曰可

韓王信

信故韓襄王孽孫從高帝入漢中拜韓太尉漢二年立爲韓王從破項籍都潁川徙都晉陽尋徙馬邑降于匈奴十一年柴武擊斬之

上書高帝

國被邊匈奴數入晉陽去塞遠請治馬邑

漢書韓王信傳

報柴武書

陛下擢僕起閭巷南面稱孤此僕之幸也滎陽之事僕不能死囚於項籍此一罪也及寇攻馬邑僕不能堅守曰城降之此二罪也今反爲寇將兵與將軍爭一旦之命此三罪也夫種蠡無一罪身死亡今僕有三罪於陛下而欲求活於世此伍子胥所曰償於吳也今僕亡匿山谷間旦暮乞食蠻夷僕之思歸如痾人不忘起盲者不忘視也執不可耳

史記韓王信傳漢書韓王信傳漢使柴將軍擊之遣信書信報

韓積當

積當信次子，生于積當城，因曰爲名。孝文十六年，從匈奴歸國，封弓高侯。景帝時，平吳楚功最，卒諡曰壯。

遺膠西王書

奉詔誅不義，降者赦其罪，復故，不降者滅之。王何處，須曰從事。

吳王  
濞傳

季布

布，楚人，爲項王將。高帝召拜郎中，孝惠時爲中郎將。呂后曰：「爲河東守，文帝時召爲御史大夫，未拜，罷令還郡。」

寄書諫竇長君

吾聞曹丘生，非長者，勿與通。

史記季布傳  
漢書季布傳

陳武

一作  
柴武

武，一姓柴。秦時曰將軍起薛，別救東阿，至霸上。漢六年，封棘蒲侯。孝文後元年卒，諡曰剛侯。

按高紀：遇剛武侯，應劭音義云：「武，一姓柴。」今據史記律書合之。史漢

韓王信在南王臣傳功臣侯表  
知陳武郎柴武應劭說是也

### 遺韓王信書

陛下寬仁諸侯雖有叛亡而復歸

漢書作而後歸

輒復故位號不誅也大

王所知今王自敗亡走胡非有大罪急自歸

史記韓王信傳十一年春復與胡騎入居

參合漢使柴將軍擊之遺信書又見漢書韓王信傳

### 議征南越朝鮮

南越朝鮮自全秦時內屬爲臣子後且擁兵阻阨選驍觀望高祖

時天下新定人民小安未可復興兵今陛下仁惠撫百姓恩澤加

海內宜及士民樂用征討逆黨自一封疆

史記律書孝文卽位將軍陳武等議

### 申屠嘉

嘉梁人從高帝爲隊率遷都尉惠帝時爲淮陽守文帝卽位賜

爵關內侯十六年爲御史大夫後二年代張蒼爲丞相封故安

侯景帝二年卒謚曰節侯



奏議孝文爲太宗廟

丞相臣嘉等言陛下永思孝道立昭德之舞曰明孝文皇帝之威德皆臣嘉等愚所不及臣等議曰功莫大於高皇帝德莫盛於孝文皇帝高皇廟宜爲帝者太祖之廟孝文皇帝廟宜爲帝者太宗之廟天子宜世世獻祖宗之廟郡國諸侯宜各爲孝文皇帝立太宗之廟諸侯王列侯使者侍祠天子歲獻祖宗之廟請著之竹帛宣布天下

史記文紀  
漢書景紀

陶青

青高帝末嗣父舍爵開封侯文帝後二年爲御史大夫景帝二年代申屠嘉爲丞相七年免中三年卒諡曰夷侯

劾奏鼂錯

吳王反逆亡道欲危宗廟天下所當共誅今御史大夫錯議曰兵數百萬獨屬羣臣不可信陛下不如自出臨兵使錯居守徐僮之

吳所未下者，可召子吳，錯不稱陛下德信，欲疏羣臣，百姓又欲召  
賊邑子吳，亡臣子禮，大逆無道，錯當要斬，父母妻子同產，無少長  
皆棄市。臣請論如法。漢書鼂錯傳：丞相青翟、中尉蕭延尉、殿、劾去  
錯云云。制曰可。按嚴青翟、孝武元狩五年  
代李蔡為丞相，今此事在孝景三年正月，其  
時丞相乃陶青也。各漢書本衍一翟字耳。

薄昭

昭，吳人，文帝母薄太后之弟。元年，拜車騎將軍，封軹侯。十年，坐  
罪自殺。

與淮南王長書

竊聞大王剛直而勇，慈惠而厚，貞信多斷，是天呂聖人之資。奉大  
王也，甚戚，不可不察。今大王所行，不稱天資。皇帝初卽位，易侯昆  
在淮南者，大王不肯，皇帝卒易之，使大王得三縣之實，甚厚。大王  
曰：「未嘗與皇帝相見，求入朝，見未畢，昆弟之歡，而殺列侯。」呂自爲  
名，皇帝不使吏與其閒，赦大王，甚厚。法二千石缺，輒言漢補。大王

逐漢所置而請自置相二千石、皇帝散天下正法、而許大王甚厚、大王欲屬國爲布衣、守冢真定、皇帝不許、使大王毋失南面之尊、甚厚、大王宜日夜奉法度、修貢職、曰稱皇帝之厚德、今迺輕言恣行、曰負謗於天下、甚非計也、夫大王曰千里爲宅居、曰萬民爲臣妾、此高皇帝之厚德也、高帝蒙霜露、沐風雨、赴矢石、野戰攻城、身被創痍、曰爲子孫成萬世之業、艱難危苦甚矣、大王不思先帝之艱苦、日夜怵惕修身正行、養犧牲、豐潔粢盛奉祭祀、曰無忘先帝之功德、而欲屬國爲布衣、甚過、且夫貪讓國土之名、輕廢先帝之業、不可、曰言孝父、爲之基而不能守、不賢、不求守長陵、而求之眞定、先母後父、不誼、數逆天子之令、不順、言節行、曰高兄、無禮、幸臣有罪大者、立斷、小者肉刑、不仁、賁布衣一劍之任、賤王侯之位、不知、不好學問大道、觸情妄行、不詳、此八者、危亡之路也、而大王行之、棄南面之位、僭諸賁之勇、常出入危亡之路、臣之所見、高皇帝

之神、必不廟食於大王之手、明白。昔者周公誅管叔、放蔡叔、呂安周、齊桓殺其弟、呂反國、秦始皇殺兩弟、遷其母、呂安秦、頃王亡代、高帝奪之國、呂便事、濟北舉兵、皇帝誅之、呂安漢、故周齊行之於古、秦漢用之於今、大王不察古今之所、呂安國、便事而欲呂親戚之意、望於太上、不可得也、亡之諸侯游宦事人及舍匿者、論皆有法、其在王所吏主者坐、今諸侯子爲吏者、御史主爲軍吏者、中尉主客出入殿門者、衛尉大行主諸從蠻夷來歸誼及呂亡名數自占者、內史縣令主相欲委下吏、無與其禍、不可得也、王若不改、漢繫大王邸、論相呂下、爲之奈何、夫墮父大業、退爲布衣所哀、幸臣皆伏法而誅、爲天下笑、呂孝先帝之德、甚爲大王不取也、宜急改操、易行、上書謝罪曰、臣不幸、早失先帝、少孤、呂氏之世、未嘗忘死、陛下卽位、臣怙恩德、驕盈行多不軌、追念舉過、恐懼伏地待誅、不敢起、皇帝聞之、必喜大王昆弟歡欣於上、羣臣皆得延壽於下、上

下得宜海內常安願孰計而疾行之行之有疑禍如發矢不可追  
已漢書淮南厲王長傳厲王歸國益恣文帝重自切責之時帝舅薄昭爲將軍尊重上令昭子厲王書諫數之

張武

武爲代國郎中令文帝卽位召受賕金錢不徙十四年拜車騎將軍屯渭北軍罷復故官及葬霸陵爲復土將軍

議止代王入嗣

漢大臣皆故高帝時大將習兵多謀詐此其屬意非止此也特畏高帝呂太后威耳今已誅諸呂新喋血京師此召迎大王爲名實不可信願大王稱疾毋往召觀其變史記文紀陳平周勃使人迎代王代王問左右郎中令張武等議張武等議

賈山

山潁川人初爲潁陰侯灌嬰給事文帝時屢上書言事不用

至言

臣聞爲人臣者、盡忠竭愚、以直諫主、不避死亡之誅者、臣自是也。臣不敢日久遠論、願借秦曰爲論、唯陛下少加意焉。夫布衣草屨之士、修身於內、成名於外、而使後世不絕息、至秦則不然、貴爲天子、富有天下、賦斂重數、百姓任罷、赭衣半道、羣盜滿山、使天下之人戴目而視、傾耳而聽、一夫大譟、天下響應者、陳勝是也。秦非徒如此也、起咸陽而西至雍、離宮三百、鐘鼓帷帳不移而具、又爲阿房之殿、殿高數十仞、東西五里、南北千步、從車羅騎、四馬騫馳、旌旗不撓、爲宮室之麗、至於此、使其後世曾不得聚廬而託處焉、爲馳道於天下、東窮燕齊、南極吳楚、江湖之上、瀕海之觀畢至、道廣五十步、三丈而樹、厚策其外、隱曰金椎、樹曰青松、爲馳道之麗、至於此、使其後世曾不得邪徑而託足焉、死葬乎驪山、吏徒數十萬人、曠日十年、下徹三泉、合采金石、冶銅錮其內、漆塗其外、被曰珠玉、飾曰翡翠、中成觀游、上成山林、爲葬葬之侈、至於此、使其後世

曾不得蓬顯蔽冢而託葬焉。秦呂熊罷之力、虎狼之心、蠶食諸侯、并吞海內、而不篤禮義、故天殃已加矣。臣昧死呂聞、願陛下少留意而詳擇其中、臣聞忠臣之事君也、言切直則不用而身危、不切直則不可目明道、故切直之言、明主所欲、急聞、忠臣之所目蒙死而竭知也。地之磽者、雖有善種不能生焉。江皋河瀕、雖有惡種無不猥大。昔者夏商之季世、雖關龍逢、箕子、比干之賢、身死亡而道不用。文王之時、豪傑之士、皆得竭其智、芻蕘採薪之人、皆得盡其力。此周之所目興也。故地之美者、善養禾、君之仁者、善養士。雷霆之所擊、無不摧折者、萬鈞之所壓、無不糜滅者。今人主之威、非特雷霆也、執重、非特萬鈞也。開道而求諫、和顏色而受之、用其言而顯其身、士猶恐懼而不敢自盡。又遇況於縱欲恣行暴虐、惡聞其過乎。震之呂威、壓之呂重、則雖有堯舜之智、孟賁之勇、豈有不摧折者哉。如此、則人主不得聞其過失矣。弗聞、則社稷危矣。古者聖

王之制史在前書過失。上誦箴諫。皆誦詩諫。公卿比諫。上傳言諫。過。庶人諫於道。商旅議於市。然後君得聞其過失也。聞其過失而改之。見義而從之。所曰永有天下也。天子之尊。四海之內。其義莫不爲臣。然而養三老於太學。親執爵而餽。執爵而醕。祝餉在前。祝鰥在後。公卿奉杖。大夫進履。舉賢曰自輔。弼求修正之士。使直諫。故曰天子之尊。尊養三老。視孝也。立輔弼之臣者。恐驕也。置直諫之士者。恐不得聞其過也。學問至於芻蕘者。求善無廢也。商人庶人誹謗已而改之。從善無不聽也。昔者秦政力并萬國。富有天下。破六國。曰爲郡縣。築長城。曰爲關塞。秦地之固。大小之執。輕重之權。其與一家之富。一夫之彊。胡可勝計也。然而兵破於陳涉。地奪於劉氏者。何也。秦王貪狼暴虐。殘賊天下。窮困萬民。曰適其欲也。昔者周蓋千八百國。曰九州之民。養千八百國之君。用民之力。不過歲三日。什一而籍。君有餘財。民有餘力。而頌聲作。秦皇帝曰千



八百國之民自養力罷不能勝其役財盡不能勝其求一君之身耳所曰自養者馳騁弋獵之娛天下弗能供也勞罷者不得休息飢寒者不得衣食亡罪而死刑者無所告訴人與之爲怨家與之爲讎故天下壞也秦皇帝身在之時天下已壞矣而弗自知也秦皇帝東巡狩至會稽琅邪刻石著其功自曰爲過堯舜統縣石鑄鐘虞飾土築阿房之宮自曰爲萬世有天下也古者聖王作謚三四十世耳雖堯舜禹湯文武紂世廣德曰爲子孫基業無過二三十世者也秦皇帝曰死而曰謚法是父子名號有時相襲也曰一至萬則世世不相復也故死而號曰始皇帝其次曰二世皇帝者欲曰一至萬也秦皇帝計其功德度其後嗣世世無窮然身死纔數月耳天下四面而攻之宗廟滅絕矣秦皇帝居滅絕之中而不自知者何也天下莫敢告也其所曰莫敢告者何也亡養老之義亡輔弼之臣亡進諫之士縱恣行誅退誹謗之人殺直諫之士是

曰道諛媮合苟容比其德則賢於堯舜課其功則賢於湯武天下  
已潰而莫之告也詩曰匪言不能胡此段忌聽言則對謠言則退  
此之謂也又曰濟濟多士文王曰寧天下未嘗亡士也然而文王  
獨言曰寧者何也文王好仁則仁興得士而敬之則士用用之有  
禮義故不致其愛敬則不能盡其心不能盡其心則不能盡其力  
不能盡其力則不能成其功故古之賢君於其臣也尊其爵祿而  
親之疾則臨視之亡數死則往弔哭之臨其小斂大斂已棺塗而  
後爲之服錫衰麻絰而三臨其喪未斂不飲酒食肉未葬不舉樂  
當宗廟之祭而死爲之廢樂故古之君人者於其臣也可謂盡禮  
矣服法服端容貌正顏色然後見之故臣下莫敢不竭力盡死曰  
報其上功德立於後世而令聞不忘也今陛下念思祖考術追厥  
功圖所曰昭光洪業休德使天下舉賢良方正之士天下皆訢訢  
焉曰將興堯舜之道三王之功矣天下之士莫不精白曰承休德

今方正之士皆在朝廷矣。又選其賢者使爲常侍。諸吏與之馳騁射獵。一日再三出。臣恐朝廷之解弛。百官之墮于事也。諸侯聞之又必怠於政矣。陛下卽位。親自勉。曰厚天下。損食膳。不聽樂。減外徭衛卒。止歲貢。省廐馬。曰賦縣傳去諸苑。曰賦農夫。出帛十萬餘匹。曰振貧民。禮高年九十者一子不事。八十者二算不事。賜天下男子爵。大臣皆至公卿。發御府金。賜大臣宗族亡不被澤者。赦罪人。憐其亡髮。賜之巾。憐其衣赭。書其背。父子兄弟相見也。而賜之衣。平獄緩刑。天下莫不說喜。是曰元年膏雨降。五穀登。此天之所曰相陛下也。刑輕於它時。而犯法者寡。衣食多於前年。而盜賊少。此天下之所曰順陛下也。臣聞山東吏布詔。令民雖老羸癯疾。扶杖而往聽之。願少須臾毋死。思見德化之成也。今功業方就。名聞方昭。四方鄉風。今從豪俊之臣。方正之士。直與之日日獵射擊兔伐狐。曰傷大業。絕天下之望。臣竊悼之。詩曰靡不有初。鮮克有終。

臣不勝大願願少褻射獵呂夏歲二月定明堂述太學修先王之道風行俗成萬世之基定然後唯陛下所幸耳古者大臣不嫖故君子不常見其齊嚴之色肅敬之容大臣不得與宴游方正修潔之士不得從射獵使皆務其方呂高其節則羣臣莫敢不正身修行盡心呂稱大禮如此則陛下之道尊敬功業施於四海垂於萬世子孫矣誠不如此則行日壞而榮日滅矣夫士修之於家而壞之于天子之廷臣竊愍之陛下與眾臣宴游與大臣方正朝廷論議夫游不失樂朝不失禮議不失計軌事之大者也漢書賈山傳孝文時言治亂之道借秦爲諭名曰至言

對詰諫除盜鑄錢令

錢者亡用器也而可呂易富貴富貴者人主之操柄也今民爲之是與人主共操柄不可長也漢書賈山傳其後文帝除盜鑄錢令山復上書諫呂爲變先帝法非是章

下詰責對呂爲

賜進士出身一品銜廣東等處提刑按察使司按察使兼管驛傳事務黃岡王毓藻校刊

全漢文卷十四終

全漢文卷十五

烏程嚴可均校輯

賈誼一

誼洛陽人文帝初召爲博士遷太中大夫謫爲長沙王太傅徵拜梁王太傅有賈子十卷集四卷

案賈誼諸疏散在類書者十六篇小有異同凡存不錄

旱雲賦

惟昊天之大旱兮失精和之正理遙望白雲之蓬勃兮踟躕澹澹而  
妄止運清濁之頡頏兮正重沓而並起鬼隆崇已崔巍兮時彷彿  
而有似屈卷輪而中天兮象虎驚與龍駭相搏據而俱興兮妄倚  
儼而時有遂積聚而給

文選謝朓敬亭山詩注作合

沓兮相紛薄而慷慨若飛

翔之從橫兮揚波怒而澎湃正

一作雲

惟布而雷動兮相擊衝而破

碎或窈窕而四塞兮誠若雨而不墜陰陽分而不相得兮更惟貪  
邪而狼戾終風解而霧散兮陵遲而堵潰或深潛而閉藏兮爭離

而並逝廓蕩蕩其若滌兮日照照而無穢隆威暑而

文選潘岳在懷縣詩注陸

機從軍行注

作隆暑感其無聊兮煎砂石而爛爛湯風至而合熱兮

北堂書鈔一百五十

六作陽風至

而舍熱兮羣生悶滿而愁憤賦畝枯槁而失澤兮壤石相聚而

壤一作畔之遇害

爲害農夫垂拱而無事兮釋其組擗而下淚憂疆

一作畔之遇害

今痛皇天之靡惠惜穉稼之旱天兮離天災而不遂懷怨心而不

能已今竊託咎于在位獨不聞唐虞之積烈兮與三代之風氣時

俗殊而不還兮恐功久而壞敗何操行之不得兮政失中而違節

陰氣辟而留滯兮狀暴至而沈沒嗟乎惜葉太劇何辜于天無思

澤忍公嗇夫何寡德矣既已生之不與福矣來何暴也去何躁也

孳孳望之其

一作甚

可悼也僚今懷兮曰鬱怫兮念思白雲腸如結

今終怨不雨甚不仁兮布而不下甚不信兮白雲何怨奈何人兮

古文苑

古文苑

虞賦

牧太平曰深志象巨獸之屈奇妙彫文曰刻鏤舒循尾之采垂舉

其鋸牙曰左右相指負大鐘而欲飛

藝文類聚  
四十

妙彫文曰刻鏤兮象巨獸之屈奇兮戴高角之峩峩負大鐘而顧

飛美哉爛兮亦天地之大式

初學記  
十六

攫擊拳曰鵙負大鐘而欲飛

御覽五百  
八十二

### 鵬鳥賦

誼爲長沙王傅三年有鵬鳥飛入誼舍止于坐隅鵬似鴟不祥鳥也誼旣曰適居長沙長沙卑溼誼自傷悼曰爲壽不得長適爲賦曰白廣其辭曰

單闕之歲兮四月孟夏庚子日斜兮鵬集予舍止于坐隅兮貌甚閑暇異物來萃兮私怪其故發書占之兮讖言其度曰野鳥入室兮主人將去請問于鵬兮予去何之吉乎告我凶言其災淹速之度兮語予其期鵬乃歎息舉首奮翼口不能言請對曰臆萬物變



化兮固無休息。幹流而遷兮。或推而還。形氣轉續兮。變化而蟺。沕穆無窮兮。胡可勝言。禍兮福所倚。福兮禍所伏。憂喜聚門兮。吉凶同域。彼吳強大兮。夫差自敗。越棲會稽兮。句踐霸世。斯游蓬成兮。卒被五刑。傅說胥靡兮。迺相武丁。夫禍之與福兮。何異糾纏。命不可說兮。孰知其極。水激則旱兮。矢激則遠。萬物迴薄兮。振盪相轉。雲蒸雨降兮。糾錯相紛。天鈞播物兮。塊比無垠。天不可預慮兮。道不可預謀。遲速有命兮。焉識其時。且夫天地爲鑪兮。造化爲工。陰陽爲炭兮。萬物爲銅。合散消息兮。安有常則。千變萬化兮。未始有極。忽然爲人兮。何足控擗。化爲異物兮。又何足忠。小智自私兮。賤彼貴我。達人觀兮。物無不可。貪夫殉財兮。烈士殉名。夸者死權兮。品庶每生。怵迫之徒兮。或趨東西。大人不曲兮。意變齊同。愚士繫俗兮。窘若囚拘。至人遺物兮。獨與道俱。眾人惑惑兮。好惡積億。真人恬漠兮。獨與道息。釋智遺形兮。超然自喪。寥廓忽荒兮。與道

翱翔乘流則逝兮得氏則止縱軀委命兮不私與己其生兮若浮  
其死兮若休澹乎若深泉之靜泛乎若不繫之舟不日生故自寶  
兮養空而浮德人無累知命不憂細故蒂芥何足目疑史記賈誼傳漢書賈誼  
類聚九十二

惜誓

惜余年老而日衰兮歲忽忽而不反登蒼天而高舉兮歷眾山而  
日遠觀江河之紆曲兮離四海之霑濡攀北極而一息兮吸沆瀣  
以充虛飛朱鳥使先驅兮駕太一之象輿蒼龍蚺蚪于左騁兮白  
虎騁而爲右騁建日月爲蓋兮載玉女于後車馳騫于杳冥之  
中兮休息崑崙之墟樂窮極而不狀兮願從容處神明涉丹水  
而馳騁兮右大夏之遺風黃鵠之一舉兮知山川之紆曲再舉兮  
睹天地之圓方臨中國之眾人兮託回騷乎尚羊乃至少原之壑  
兮赤松王喬皆在旁二子擁瑟而調均兮余因稱乎清商澹然而

自樂兮，吸眾氣而翱翔，念我長生而久僊兮，不如反余之故鄉。黃鵠後時而寄處兮，鴟梟羣而制之，神龍失水而陸居兮，爲螻蟻之所裁。夫黃鵠神龍猶如此兮，況賢者之逢亂世哉。壽冉冉而日衰兮，固值回而不息，俗流從而不止兮，眾枉聚而矯直，或偷合而苟進兮，或隱居而深藏，若稱量之不容兮，同權槩而就衡，或推逐而苟容兮，或直言之謬謬，傷誠是之不察兮，并紉茅絲目爲索方，世俗之幽昏兮，眩白黑之美惡，放山淵之龜玉兮，相與貴夫礫石，梅伯數諫而至醢兮，來革順志而用國，悲仁人之盡節兮，反爲小人之所賊，比干忠諫而剖心兮，箕子被髮而佯狂，水背流而源竭兮，木去根而不長，非重軀已慮難兮，惜傷身之無功已矣哉，獨不見夫鸞鳳之高翔兮，乃集大皇之壘，循四極而回周兮，見盛德而後下，彼聖人之神德兮，遠濁世而自藏，使麒麟可得羈而係兮，又何日異處犬羊。

楚辭十一王逸敘云不知誰所作也或曰賈誼疑莫能明也今姑編入賈集

上疏陳政事

臣竊惟事執可爲痛哭者一、可爲流涕者二、可爲長太息者六。若  
其它背理而傷道者、難徧已疏舉、進言者皆曰：天下已安已治矣。  
臣獨曰：爲未也。曰安且治者、非愚則諛、皆非事實。知治亂之體者  
也。夫抱火厝之積薪之下、而寢其上、火未及然、因謂之安、方今之  
執、何已異此。本末舛逆、首尾衡決、國制搶攘、非甚有紀。胡可謂治。  
陛下何不壹令臣得執數之于前、因陳治安之策、試詳擇焉。夫射  
獵之娛、與安危之機孰急、使爲治勞智慮、苦身體、乏鐘鼓之樂、勿  
爲可也。樂與今同、而加之諸侯軌道、兵革不動、民保首領、匈奴賓  
服、四荒鄉風、百姓素朴、獄訟衰息、大數旣得、則天下順治、海內之  
氣清和、咸理生爲明帝、沒爲明神、名譽之美、垂于無窮、禮祖有功  
而宗有德、使顧成之廟、稱爲太宗、上配太祖、與漢亡極、建久安之  
執、成長治之業、已承祖廟、已奉六親、至孝也。已幸天下、已育羣生、

至仁也。立綱陳紀，輕重同得。後可已爲萬世法程。雖有愚幼不肖之嗣，猶得蒙業而安。至明也。已陛下之明達，因使少知治體者，得佐下風，致此非難也。其具可素陳于前，願幸無忽。臣謹稽之天地，驗之往古，按之當今之務，日夜念此，至孰也。雖使禹舜復生，爲陛下計，亡已易此。夫樹國固必相疑之執，下數被其殃，上數爽其憂，甚非所已安上而全下也。今或親弟謀爲東帝，親兄之子西鄉而擊，今吳又見告矣。天子春秋鼎盛，行義未過，德澤有加焉，猶尚如是，況莫大諸侯，權力且十此者乎？然而天下少安，何也？大國之王，幼弱未壯，漢之所置傅相，方握其事，數年之後，諸侯之王，大抵皆冠血氣方剛，漢之傅相，稱病而賜罷，彼自丞尉已上，徧置私人，如此，有異淮南、濟北之爲邪？此時而欲爲治安，雖堯舜不治。黃帝曰：「日中必暮，操刀必割。」今令此道順而全安，甚易，不肯早爲，已迺墮骨肉之屬而抗到之，豈有異秦之季世乎？夫曰天子之位，乘今之

時因天之助尚憚呂危爲安呂亂爲治假設陛下居齊桓之處將不合諸侯而匡天下乎臣又知陛下有所必不能矣假設天下如曩時淮陰侯尚王楚黥布王淮南彭越王梁韓信王韓張敖王趙貫高爲相盧縮王燕陳豨在代今此六七公者皆亡恙當是時而陛下卽天子位能自安乎臣有已知陛下之不能也天下殺亂高皇帝與諸公併起非有仄室之執呂豫席之也諸公幸者迺爲中涓其次墜得舍人材之不逮至遠也高皇帝曰明聖威武卽天子位割膏腴之地呂王諸公多者百餘城少者乃三四十縣惠至渥也然其後十年之間反者九起陛下之與諸公非親角材而臣之也又非身封王之也自高皇帝不能呂是一歲爲安故臣知陛下之不能也然尚有可諉者曰疏臣請試言其親者假令悼惠王王齊元王王楚中子王趙幽王王淮陽共王王梁靈王王燕厲王王淮南六七貴人皆亡恙當是時陛下卽位能爲治乎臣又知陛下

之不能也。若此諸王雖名爲臣實皆有布衣昆弟之心。慮亡不帝制而天子自爲者。擅爵人赦死罪甚者或戴黃屋。漢法令非行也。雖行不軌如厲王者。令之不肯聽。召之安可致乎。幸而來至法安可得加動一親戚。天下圍視而起。陛下之臣雖有悍如馮敬者。適啓其口。匕首已陷其匈矣。陛下雖賢誰與傾此。故疏者必危親者必亂。已然之效也。其異姓負彊而動者。漢已幸勝之矣。又不易其所召然。同姓襲是跡而動。既有徵矣。其執盡又復然。殃眚之變未知所移。明帝處之尚不能召安。後世將如之何。屠牛坦一朝解十二牛而芒刃不頓者。所排擊剗割皆眾理解也。至于髡髡之所非斤則斧。夫仁義恩厚人主之芒刃也。權執法制人主之斤斧也。今諸侯王皆眾髡髡也。釋斤斧之用而欲嬰以芒刃。臣以爲不缺則折胡不用之。淮南濟北執不可也。臣竊跡前事大抵彊者先反。淮陰王楚最彊則最先反。韓信倚胡則又反。貫高因趙資則又反。陳

豨兵精則又反。彭越用梁則又反。黥布用淮南則又反。盧縮最弱最後反。長沙迺在二萬五千戶耳。功少而最完。執疏而最忠。非獨性異人也。亦形執然也。曩令樊鄴絳灌據數十城而王。今雖已殘亡可也。令信越之倫。列爲徹侯而居。雖至今存可也。然則天下之大計可知已。欲諸王之皆忠附。則莫若令如長沙王。欲臣子之勿菹醢。則莫若令如樊鄴等。欲天下之治安。莫若眾建諸侯而少其力。力少則易使。已義國小則亡邪心。令海內之執如身之使臂。臂之使指。莫不制從。諸侯之君不敢有異心。輻湊並進而歸命天子。雖在細民。且知其安。故天下咸知陛下之明。割地定制。令齊趙楚各爲若干國。使悼惠王幽王元生之子孫。畢已次各受祖之分地。地盡而止。及燕梁它國皆然。其分地眾而子孫少者。建已爲國。空而置之。須其子孫生者。舉使君之。諸侯之地。其削頗入漢者。爲徙其侯國。及封其子孫也。所已數償之。一寸之地。一人之衆。天子亡所



利焉誠已定治而已故天下咸知陛下之廉地制壹定宗室子孫  
莫慮不王下無倍叛之心上無誅伐之志故天下咸知陛下之仁  
法立而不犯令行而不逆貫高利幾之謀不生柴奇開章之計不  
萌細民鄉善大臣致順故天下咸知陛下之義臥赤子天下之上  
而安植遺腹朝委裘而天下不亂當時大治後世誦聖壹動而五  
業附陛下誰憚而人不爲此天下之執方病大瘡一脰之大幾如  
要一指之大幾如股平居不可屈信一二指搐身慮亡聊失今不  
治必爲錮疾後雖有扁鵲不能爲已病非徒瘡也又苦蹠蹠元王  
之子帝之從弟也今之王者從弟之子也惠王親兄子也今之王  
者兄子之子也親者或亡分地呂安天下疏者或制大權呂偏天  
子臣故曰非病瘡也又苦蹠蹠可痛哭者此病是也天下之執方  
倒懸凡天子者天下之首何也上也蠻夷者天下之足何也下也  
今匈奴嫚侮侵掠至不敬也爲天下患至亡已也而漢歲致金絮

采繒

後漢西域傳注引作繒絲

已奉之夷狄徵令是主上之操也天子共貢是

臣下之禮也足反居上首顧居下倒縣如此莫之能解猶爲國有人乎非豈倒縣而已又頽碎且病癰夫辟者一面病癰者一方痛今西邊北邊之郡雖有長爵不得輕復五尺已上不輕得息斥候望烽燧不得臥將吏被介冑而睡臣故曰一方病矣醫能治之而上不使可爲流涕者此也陛下何忍已帝皇之號爲戎人諸侯執既卑辱而既不息長此安窮進謀者率已爲是固不可解也亡具甚矣臣竊料匈奴之眾不過漢一大縣已天下之大困于一縣之眾甚爲執事者羞之陛下何不試已臣爲屬國之官已主匈奴行臣之計請必係單于之頸而制其命伏中行說而笞其背舉匈奴之眾唯上之令今不獵猛敵而獵田鼠不搏反寇而搏畜菟翫細娛而不圖大患非所已爲安也德可遠施威可遠加而直數百里外威令不信可爲流涕者此也今民賣僮者爲之繡衣絲履偏諸

緣內之閑中是故天子后服所曰廟而不宴者也而庶人得曰衣婢妾白縠之表薄紈之裏縷已偏諸美者黼黻是古天子之服今富人大賈嘉會召客者曰破牆古者曰奉一帝一后而節適今庶人屋壁得爲帝服倡優下賤得爲后飾然而天下不屈者殆未有也且帝之身自衣阜綈而富民牆屋被文繡天子之后曰緣其領庶人嬖妾緣其履此臣所謂舛也夫百人作之不能衣一人欲天下亡寒胡可得也一人耕之十人聚而食之欲天下亡飢不可得也飢寒切于民之肌膚欲其亡爲姦邪不可得也國已屈矣盜賊直須時耳然而獻計者曰母動爲大耳夫俗至大不敬也至亡等也至冒上也進計者猶曰母爲可爲長太息者此也商君遺禮義棄仁恩并心于進取行之二歲秦俗日敗故秦人家富子壯則出分家貧子壯則出贅借父耰鉏慮有德色母取箕箒立而諄語抱哺其子與公併僇婦姑不相說則反脣而相稽其慈子者利不同

禽獸者亡幾耳。然并心而赴時，猶日蹙六國，兼天下，功成求得矣。終不知反廉愧之節，仁義之厚，信并兼之法，遂進取之業。天下大敗，眾掩寡，智欺愚，勇威怯，壯陵衰，其亂至矣。是日大賢起之，威震海內，德從天下，曩之爲秦者，今轉而爲漢矣。然其遺風餘俗，猶尚未改。今世日侈靡相競，而上亡制度，棄禮誼，捐廉恥，日甚，可謂月異而歲不同矣。逐利不耳，慮非顧行也。今其甚者殺父兄矣，盜者剽寢戶之簾，舉兩廟之器，白晝大都之中，剽吏而奪之金，矯僞者出幾十萬石粟，賦六百餘萬錢，乘傳而行郡國，此其亡行義之先至者也。而大臣特曰薄書不報，期會之間，曰爲大故。至于俗流失，世懷敗，因恬而不知怪，慮不動于耳目，曰爲是適然耳。夫移風易俗，使天下回心而鄉道，類非俗吏之所能爲也。俗吏之所務，在于刀筆筐篋，而不知大體。陛下又不自憂，竊爲陛下惜之。夫立君臣等上下，使父子有禮，六親有紀，此非天之所爲，人之所設也。夫人

之所設不爲不立不植則僵不修則壞。筦子曰禮義廉恥是謂四維。四維不張國乃滅亡。使筦子愚人也則可。筦子而少知治體則是豈可不爲寒心哉。秦滅四維而不張。故君臣乖亂六親殃戮。姦人並起。萬民離叛。凡十三歲而社稷爲虛。今四維猶未備也。故姦人幾幸而眾心疑惑。豈如今定經制令君君臣臣上下有差。父子有親各得其宜。姦人亡所幾幸而羣臣眾信上不疑惑。此業壹定。世世長安。而後有所持循矣。若夫經制不定是猶度江河亡維楫中流而遇風波。船必覆矣。可爲長太息者此也。夏爲天子十有餘世而殷受之。殷爲天子二十餘世而周受之。周爲天子三十餘世而秦受之。秦爲天子二世而亡。人性不甚相遠也。何三代之君有道之長而秦無道之暴也。其故可知也。古之王者太子適生。固舉曰禮。使士負之。有司齊肅端冕見之南郊。見于天也。過闕則下。過廟則趨。孝子之道也。故自爲赤子而教固已行矣。昔者成王幼在

縱抱之中。召公爲太保。周公爲太傅。太公爲太師。保保其身體。傅傅之德義。師道之教訓。此三公之職也。于是爲置三少。皆上大夫也。曰少保。少傅。少師。是與太子宴者也。故迺孩提有識。三公三少。因明孝仁禮義。以道習之。逐去邪人。不使見惡行。于是皆選天下之端士。孝悌博聞有道術者。以衛翼之。使與太子居處出入。故太子迺生。而見正事。聞正言。行正道。左右前後皆正人也。夫習與正人居之。不能毋正。猶生長于齊。不能不齊言也。習與不正人居之。不能毋不正。猶生長于楚之地。不能不楚言也。故擇其所養。必先受業。迺得嘗之。擇其所樂。必先有習。迺得爲之。孔子曰。少成若天性。習貫如自然。及太子少長。知妃色。則入于學。學者所學之官也。學禮曰。帝入東學。上親而貴仁。則親疏有序。而恩相及矣。帝入南學。上齒而貴信。則長幼有差。而民不誣矣。帝入西學。上賢而貴德。則聖智在位。而功不遺矣。帝入北學。上貴而尊爵。則貴賤有等。而

下不隲矣。帝入太學。承師問道。退習而考于太傅。太傅罰其不則。而匡其不及。則德智長而治道得矣。此五學者既成于上。則百姓黎民化輯于下矣。及太子既冠成人。免于保傅之嚴。則有記過之史。徹膳之宰。進善之旌。誹謗之木。敢諫之鼓。瞽史誦詩。工誦箴諫。大夫進謀。士傳民語。習與智長。故切而不媿。化與心成。故中道若性。三代之禮。春朝朝日。秋暮夕月。所曰明有敬也。春秋入學。坐圜。老執醬而親餽之。所曰明有孝也。行曰驚和。步中采齊。趣中肆夏。所曰明有度也。其于禽獸。見其生不食其死。聞其聲不食其肉。故遠庖廄。所曰長恩。且明有仁也。夫三代之所曰長久者。曰其輔翼太子有此具也。及秦而不然。其俗固非貴辭讓也。所上者告訐也。固非貴禮義也。所上者刑罰也。使趙高傳胡亥而教之獄。所習者非斬別人。則夷人之三族也。故胡亥今日卽位。而明日射人。忠諫者謂之誹謗。深計者謂之妖言。其視殺人若艾草。當然。豈惟胡亥。

之性惡哉。彼其所曰道之者，非其理故也。鄙諺曰：不習爲吏，視已成事。又曰：前車覆，後車誡。大三代之所曰長久者，其已事可知也。然而不能從者，是不法聖智也。秦世之所曰亟絕者，其轍迹可見也。然而不避，是後車又將覆也。夫存亡之變，治亂之機，其要在是矣。天下之命，懸于太子。太子之善，在于早諭敎，與選左右。夫心未濫而先諭敎，則化易成也。開于道術智誼之指，則敎之力也。若其服習積貫，則左右而已。夫胡粵之人，生而同聲，習欲不異。及其長而成俗，累數譯而不能相通行。有雖死而不相爲者，則敎習然也。臣故曰：選左右早諭敎最急。夫敎得而左右正，則太子正矣。太子正而天下定矣。書曰：一人有慶，兆民賴之。此時務也。凡人之智，能見已然，不能見將然。夫禮者，禁于將然之前；而法者，禁于已然之後。是故法之所用易見，而禮之所爲生難知也。若夫慶賞曰勸善，刑罰曰懲惡。先王執此之政，堅如金石，行此之令，信如四時。據此



之公無私如天地耳。豈顧不用哉。然而曰禮云禮云者。實絕惡于未萌。而起教于微眇。使民日遷善遠惡而不自知也。孔子曰。聽訟吾猶人也。必也使毋訟乎。爲人主計者。莫如先審取舍。取舍之極定于內。而安危之萌應于外矣。安者非一日而安也。危者非一日而危也。皆曰積漸然。不可不察也。人主之所積。在其取舍。曰禮義治之者。積禮義。曰刑罰治之者。積刑罰。刑罰積而民怨背。禮義積而民和親。故世主欲民之善同。而所曰使民善者或異。或道之曰德教。或馭之曰法令。道之曰德教者。德教洽而民氣樂。馭之曰法令者。法令極而民風哀。哀樂之感。禍福之應也。秦王之欲尊宗廟而安子孫。與湯武同。然而湯武廣其德行。六七百歲而弗失。秦王治天下十餘歲。則大敗。此亡它故矣。湯武之定取舍審。而秦王之定取舍不審矣。夫天下大器也。今人之置器。置諸安處則安。置諸危處則危。天下之情與器亡曰異。在天子之所置之。湯武置天

下于仁義禮樂而德澤洽禽獸草木廣裕德被蠻貊四夷累子孫數十世此天下所共聞也秦王置天下于法令刑罰德澤亡一有而怨毒盈于世下憎惡之如仇讎旣幾及身子孫誅絕此天下之所共見也是非其明效大驗邪人之言曰聽言之道必曰其事觀之則言者莫敢妄言今或言禮誼之不如法令教化之不如刑罰人主胡不引殷周秦事曰觀之也人主之尊譬如堂羣臣如陛眾庶如地故陛九級上廉遠地則堂高陛亡級廉近地則堂卑高者難攀卑者易陵理執然也故古者聖王制爲等列內有公卿大夫士外有公侯伯子男然後有官師小吏延及庶人等級分明而天子加焉故其尊不可及也里諺曰欲投鼠而忌器此善諭也鼠近于器尚憚不投恐傷其器況于貴人之近主乎廉恥節禮曰治君子故有賜死而亡戮辱是曰黥劓之臯不及大夫曰其離主上不遠也禮不敢齒君之路馬登其芻者有罰見君之几杖則起遭君

之乘車則下入正門則趨君之寵臣雖或有過刑戮之辜不加其身者尊君之故也此所曰爲主上豫遠不敬也所曰禮貌大臣而厲其節也今自王侯三公之貴皆天子之所改容而禮之也古天子之所謂伯父伯舅也而今與眾庶同黥劓髡笞僞棄市之法然則堂不亡陞庖被戮辱者不泰迫虐廉恥不行大臣無適握重權大官而有徒隸亡恥之心庖夫望夷之事二世見當曰重法者投鼠而不忌器之習也臣聞之履雖鮮不加于枕冠雖敝不曰菑履夫嘗已在貴寵之位天子改容而體貌之矣吏民嘗俯伏曰敬畏之矣今而有過帝令廢之可也退之可也賜之死可也滅之可也若夫束縛之係縲之輸之司寇編之徒官司寇小吏詈罵而榜笞之殆非所曰令眾庶見也夫卑賤者習知尊貴者之一旦吾亦適可曰加此也非所曰習天下也非尊尊貴貴之化也夫天子之所嘗敬眾庶之所嘗寵死而死耳賤人安宜得如此而頓辱之哉

豫讓事中之君智伯伐而滅之移事智伯及趙滅智伯豫讓黷  
面吞炭必報襄子五起而不中。人問豫子。豫子曰。中行眾人畜我。  
我故眾人。人事之。智伯國士遇我。我故國士報之。故此一豫讓也。反  
君事讎行若狗彘。已而抗節致忠。行出庠列士。人主使然也。故主  
上遇其大臣如遇犬馬。彼將犬馬自爲也。如遇官徒。彼將官徒自  
爲也。頑頓亡恥。隳詬亡節。廉恥不立。且不自好。苟若而可。故見利  
則逝。見便則奪。主上有敗。則因而誣之矣。主上有患。則吾苟免而  
已。立而觀之耳。有便吾身者。則欺賣而利之耳。人主將何便于此。  
羣下至眾。而主上至少也。所託財器。職業者。粹于羣下也。俱亡恥。  
俱苟安。則主上最病。故古者禮不及庶人。刑不至大夫。所曰厲寵  
臣之節也。古者大臣有坐不廉而廢者。不謂不廉。曰簠簋不飾。坐  
污穢淫亂。男女無別者。不曰污穢。曰帷薄不修。坐罷軟不勝任者。  
不謂罷軟。曰下官不職。故貴大臣定有其辜矣。猶未斥然正曰呼。

之也。尚遷就而爲之諱也。故其在大譴大何之域者。聞譴何則白冠。蹇纓。盤水加劍。造請室而請罪耳。上不執縛係引而行也。其有中罪者。聞命而自弛。上不使人頸鑿而加也。其有大舉者。聞命則北面再拜。跪而自裁。上不使捽抑而刑之也。曰。子大夫自有過耳。吾遇子有禮矣。遇有禮。故羣臣自喜。嬰曰。廉恥。故人矜節行。上設廉恥禮義。曰。遇其臣。而臣不曰節行報其上者。則非人類也。故化成俗定。則爲人臣者。主耳忘身。國耳忘家。公耳忘私。利不苟就。害不苟去。唯義所在。上之化也。故父兄之臣。誠死宗廟。法度之臣。誠死社稷。輔翼之臣。誠死君上。守圉扞敵之臣。誠死城郭封疆。故曰。聖人有金城者。比物此志也。彼且爲我死。故吾得與之俱生。彼且爲我亡。故吾得與之俱存。夫將爲我危。故吾得與之皆安。願行而忘利。守節而伏義。故可曰託不御之權。可曰寄六尺之孤。此厲廉恥行禮誼之所致也。主上何喪焉。此之不爲。而願彼之久行。故曰。

可爲長太息者此也漢書賈誼傳是時匈奴疆侵邊天下初定制皆爲逆謀誼數上疏陳政事  
多所欲匡建其大略云云

賜進士出身二品銜廣東等處提刑按察使司按察使兼管驛傳事務黃岡王毓藻校刊

全漢文卷十五終

全漢文卷十六

烏程嚴可均校輯

賈誼二

上疏請封建子弟

陛下卽不定制。如今之執。不過一傳再傳。諸侯猶且人恣而不制。豪植而大強。漢法不得行矣。陛下所曰爲蕃扞。及皇太子之所恃者。唯淮陽代二國耳。代北邊匈奴。與強敵爲鄰。能自完則足矣。而淮陽之比大諸侯。厘如黑子之著面。適足曰餌大國耳。不足曰有所禁禦。方今制在陛下。制國而令子適足。曰爲餌。豈可謂工哉。人主之行異布衣布衣者飾小行。競小廉。曰自託於鄉黨。人主唯天下安社稷固不耳。高皇帝瓜分天下。曰王功臣。反者如蝟毛而起。曰爲不可。故薪去不義諸侯。而虛其國。擇良日立諸子。雒陽上東門之外。畢曰爲王。而天下安。故大人者不牽小行。曰成大功。今淮

南地遠者或數千里。越兩諸侯而縣屬于漢。其吏民繇役往來長安者。自悉而補中道衣敝。錢用諸費。稱此其苦屬漢。而欲得王。至甚。逋逃而歸諸侯者。已不少矣。其執不可久。臣之愚計。願舉淮南。曰益淮陽。而爲梁王立後。割淮陽北邊二三列城。與東郡。曰益梁。不可者。可徙代王而都睢陽。梁起于新鄴。曰北。著之河。淮陽包陳。曰南。據之江。則大諸侯之有異心者。破膽而不敢謀。梁足曰打齊。趙。淮陽足曰禁吳楚。陛下高枕終亡山東之憂矣。此二世之利也。當今恬然適遇諸侯之皆少。數歲之後。陛下且見之矣。夫秦日夜苦心勞力。曰除六國之旼。今陛下力制天下。頓指如意。高拱曰成六國之旼。難曰言智。苟身亡事。畜亂宿旼。孰視而不定。萬年之後。傳之老母弱子。將使不寧。不可謂仁。臣聞聖主言問其臣而不自造事。故使人臣得畢其愚忠。唯陛下下財幸。漢書賈誼傳居數年梁王勝死亡子誼復上疏

上疏諫王淮南諸子



竊恐陛下接王淮南諸子，曾不與如臣者就計之也。淮南王之悖逆亡道，天下孰不知其辜。陛下幸而赦之，白疾而死，天下孰曰王死之不當。今奉尊罪人之子，適足自負謫于天下耳。此人少壯，豈能忘其父哉。白公勝所爲父報仇者，大父與伯父叔父也。白公爲亂，非欲取國代主也。發忿快志，剡手自衛仇人之胸，固爲俱靡而已。淮南雖小，黥布嘗用之矣。漢存特幸耳。夫擅仇人足自危，漢之資于策不便，雖割而爲四，四子一心也。予之眾，積之財，此非有子胥、白公報于廣都之中，卽疑有劉諸、荆軻起于兩柱之間。所謂假賊兵爲虎翼者也。願陛下少畱計。漢書賈誼傳文帝封淮南王四子皆爲列侯誼知上必將復王之也上疏諫

說穢貯

堯子曰：倉廩實而知禮節，民不足而可治者，自古及今，未之嘗聞。古之人曰：一夫不耕，或受之飢；一女不織，或受之寒。生之有時，而

用之亡度則物力必屈古之治天下至熾至悉也故其畜積足恃  
今背本而趨末食者甚眾是天下之大殘也淫侈之俗日日益長  
是天下之大賊也殘賊公行莫之或止大命將泛莫之振救出之  
者甚少而靡之者甚多天下財產何得不蹙漢之爲漢幾四十年  
矣公私之積猶可哀痛失時不雨民且狼顧歲惡不入請賣爵子  
既聞耳矣安有爲天下阡危者若是而上不驚者世之有飢穰天  
之行也禹湯被之矣卽不幸有方二三千里之旱國胡曰相恤卒  
然邊境有急數千百萬之眾國胡曰餽之兵旱相乘天下大屈有  
勇力者聚徒而衡擊罷夫羸老易子而陂其骨政治未畢通也遠  
方之能疑者竝舉而爭起矣迺駭而圖之豈將有及乎夫積貯者  
天下之大命也苟粟多而財有餘何爲而不成曰攻則取曰守則  
固曰戰則勝懷敵附遠何招而不至今敝民而歸之農皆著于本  
使天下各食其力末技游食之民轉而緣南晦則畜積足而人樂

其所矣。可曰爲富安天下而直爲此廩廩也。竊爲陛下惜之。漢書食貨志賈誼

說上

諫除盜鑄錢令使民放鑄

法使天下公得。顧租鑄銅錫爲錢。敢雜以鉛鐵爲它巧者。其罪黥。然鑄錢之情。非般雜爲巧。則不可得贏。而般之甚微。爲利甚厚。夫事有召禍。而法有起姦。今令細民人操造幣之執。各隱屏而鑄。作。因欲禁其厚利微姦。雖黥罪日報。其執不止。適者民人抵罪多者。一縣百數。及吏之所疑。榜笞奔走者甚眾。夫縣法已誘民使人陷阱。孰積於此。曩禁鑄錢。死罪積下。今公鑄錢。黥罪積下。爲法若此。上何賴焉。又民用錢。郡縣不同。或用輕錢。百加若干。或用重錢。平稱不受。法錢不立。吏急而壺之虐。則大爲煩苛。而力不能勝。縱而弗呵虐。則市肆異用。錢文大亂。苟非其術。何鄉而可哉。今農事棄捐。而采銅者日蕃。釋其耒耜。冶鑄炊炭。姦錢日多。五穀不爲多。善。

人林而爲姦邪。愿民陷而之刑戮。刑戮將甚不詳。奈何而忽國知患此。吏議必曰禁之。禁之不得其術。其傷必大。令禁鑄錢。則錢必重重。重則其利深。盜鑄如雲而起。棄市之罪。又不足目禁矣。姦數不勝。而法禁數潰。銅使之然也。然銅布於天下。其爲禍博矣。今博禍可除。而七福可致也。何謂七福。上收銅。勿令布。則民不鑄錢。黥罪不積一矣。僞錢不蕃。民不相疑。二矣。采銅鑄作者。反於耕田。三矣。銅畢歸於上。上挾銅積。曰御輕重。錢輕則曰術斂之。重則曰術散之。貨物必平。四矣。曰作兵器。曰假貴臣。多少有制。用別貴賤。五矣。曰臨萬貨。曰調盈虛。曰收奇羨。則官富貴。而末民困。六矣。制吾棄財。曰與匈奴逐爭其民。則敵必懷。七矣。故善爲天下者。因禍而爲福。轉敗而爲功。今久遏七福。而行博禍。臣誠傷之。

漢書食貨志下  
孝文五年更鑄

四銖錢其文爲半兩除盜鑄錢  
令使民放鈞買誼諫上不聽

過秦論

秦并兼諸侯山東三十餘郡。繕津關。據險塞。脩甲兵而守之。然陳涉已戍卒散亂之眾數百。奮臂大呼。不用弓戟之兵。鉏耰白梃。望屋而食。橫行天下。秦人阻險不守。關梁不闔。長戟不刺。彊弩不射。楚師深入。戰于鴻門。曾無藩籬之難。于是山東大擾。諸侯並起。豪俊相立。秦使章邯將而東征。章邯因已三軍之眾。要市于外。已謀其上。羣臣之不信。可見于此矣。子嬰立。遂不寤。藉使子嬰有庸主之材。僅得中佐。山東雖亂。秦之地可全而有。宗廟之祀未當絕也。秦地被山帶河。曰爲固。四塞之國也。自繆公已來。至于秦王二十餘君。常爲諸侯雄。豈世世賢哉。其勢居然也。且天下嘗同心并力而攻秦矣。當此之世。賢智並列。良將行其師。賢相通其謀。然困于阻險而不能進。秦乃延入戰。而爲之開關。百萬之徒。逃北而遂壞。豈勇力智慧不足哉。形不利。勢不便也。秦小邑并大城。守險塞。而軍高壘。毋戰。閉關據阨。荷戟而守之。諸侯起于匹夫。已利合。非有

素王之行也。其交未親。其下未附。名爲亡秦。其實利之也。彼見素阻之難犯也。必退師安土息民。呂待其敝。收弱扶罷。呂令大國之君。不患不得意於海內。貴爲天子。富有天下。而身爲禽者。其救敗非也。秦王足已不問。遂過而不變。二世受之。因而不改暴虐。呂重禍子嬰。孤立無親。危弱無輔。三主惑而終身不悟。亡不亦宜乎。當此時也。世非無深慮知化之士也。然所呂不敢盡忠拂過者。秦俗多忌諱之禁。忠言未卒于口。而身爲戮沒矣。故使天下之士。傾耳而聽。重足而立。拊口而不言。是呂三主失道。忠臣不敢諫。智士不敢謀。天下已亂。奸不上聞。豈不哀哉。先王知雍蔽之傷國也。故置公卿大夫士。呂飾法設刑。而天下治。其彊也。禁暴誅亂。而天下服其弱也。五伯征而諸侯從。其削也。內守外附。而社稷存。故秦之盛也。繁法嚴刑。而天下振。及其衰也。百姓怨望。而海內畔矣。故周五序得其道。而千餘歲不絕。秦本末並失。故不長久。由此觀之。安危

之統相去遠矣。野諺曰：前事之不忘，後事之師也。是已君子爲國  
觀之上古，驗之當世，參以人事，察盛衰之理，審權勢之宜，去就有  
序，變化有時，故曠日長久而社稷安矣。已上文選  
爲下篇秦孝公據殽函之固，擁雍州之地，君臣固守，而窺周室，有席卷天下，包舉宇內，囊括  
四海之意，并吞八荒之心。當是時，商君佐之內，立法度，務耕織，  
修守戰之備，外連衡而闕諸侯。于是秦人拱手而取西河之外。孝  
公既沒，惠王武王蒙故業，因遺冊，南兼漢中，西舉巴蜀，東割膏腴  
之地，收要害之郡。諸侯恐懼，會盟而謀弱秦，不愛珍器重寶肥美  
之地，以致天下之士，合從締交，相與爲一。當是時，齊有孟嘗，趙有  
平原，楚有春申，魏有信陵，此四君者，皆明知而忠信，寬厚而愛人，  
尊賢重士，約從離衡，并韓衛燕楚齊趙宋衛中山之眾。于是六國  
之士，有甯越徐尚蘇秦杜赫之屬，爲之謀。齊明周最，陳軫，昭滑，樓  
緩，翟景，蘇厲，樂毅之徒，通其意，吳起，孫臏，帶佗，佗兒，良王，廖田，忌，廉

頗趙奢之册制其兵常已十倍之地百萬之眾叩關而攻秦秦人  
開關延敵九國之師逡巡遁逃而不敢進秦無亡矢遺鏃之費而  
天下諸侯已困矣于是從散約解爭割地而奉秦秦有餘力而制  
其敝追亡逐北伏尸百萬流血漂鹵因利乘便宰割天下分裂河  
山疆國請服弱國入朝廷及孝文王莊襄王享國日淺國家無事  
及至秦王續六世之餘烈振長策而御宇內吞二周而亡諸侯履  
至尊而制六合執捶拊已鞭笞天下威振四海南取百越之地已  
爲桂林象郡百越之君俛首係頸委命下吏乃使蒙恬北築長城  
而守藩籬卻匈奴七百餘里胡人不敢南下而牧馬士不敢彎弓  
而報怨于是廢先王之道焚百家之言已愚黔首墮名城殺豪俊  
收天下之兵聚之咸陽銷鋒鏑鍊已爲金人十二已弱黔首之民  
然後斬華爲城因河爲津據億丈之城臨不測之谿已爲固良將  
勁弩守要害之處信臣精卒陳利兵而誰何天下已定秦王之心



自己爲國中之固。金城千里。子孫帝王萬世之業也。秦王既沒。餘威振于殊俗。陳涉。舊牖繩樞之子。牝隸之人。而遷徙之徒。才能不及中人。非有仲尼。墨翟之賢。陶朱。猗頓之富。躡足行伍之間。而倔起什伯之中。率罷散之卒。將數百之眾。而轉攻秦。斬木爲兵。揭竿爲旗。天下雲集響應。贏糧而景從。山東豪俊。遂竝起而亡秦族矣。且夫天下非小弱也。雍州之地。殽函之固。自若也。陳涉之位。非尊于齊楚。燕趙韓魏宋衛中山之君。鉏耰棘矜。非鏃于句戟長鎗也。適戍之眾。非抗于九國之師。深謀遠慮。行軍用兵之道。非及鄉時之士也。然而成敗異變。功業相反也。試使山東之國。與陳涉度長絜大。比權量力。則不可同年而語矣。然秦已區區之地。千乘之權。招八州而朝同列。百有餘年矣。然後呂六合爲家。殽函爲宮。一夫作難。而七廟墮。身死人手。爲天下笑者。何也。仁義不施。而攻守之勢異也。

已上文選爲上篇

秦并海內。兼諸侯。南面稱帝。已養四海。天下之

士斐然鄉風若是者何也。曰近古之無王者久矣。周室卑微。五霸既沒。令不行于天下。是呂諸侯力政。彊侵弱。眾暴寡。兵革不休。士民罷敝。今秦南面而王天下。是上有天子也。既元元之民冀得安其性命。莫不虛心而仰止。當此之時。守威定功。安危之本在於此矣。秦王懷貪鄙之心。行自奮之智。不信功臣。不親士民。廢王道。立私權。禁文書。而酷刑法。先詐力而後仁義。呂暴虐爲天下始。夫并兼者高詐力。安定者貴順權。此言取與守不同術也。秦離戰國而王天下。其道不易。其政不改。是其所呂取之守之者異也。孤獨而有之。故其亡可立而待。借使秦王計上世之事。竝殷周之迹。呂制御其政。後雖有淫驕之主。而未有傾危之患也。故三王之建天下。名號顯美。功業長久。今秦二世立。天下莫不引領而觀其政。夫寒者利裋褐。而飢者甘糟糠。天下之戔戔。新主之資也。此言勞民之易爲仁也。鄉使二世有庸主之行。而任忠賢。臣主一心。而憂海內。

之患。編素而正先帝之過。裂地分民。已封功臣之後。建國立君。已禮天子。虛囹圄而免刑戮。除去收帑汙穢之罪。使各反其鄉里。發倉廩。散財幣。已振孤獨窮困之士。輕賦少事。已佐百姓之急。約法省刑。已持其後。使天下之人。皆得自新。更節脩行。各慎其身。塞庶民之望。而已威德與天下。天下集矣。卽四海之內。皆謹然各自安樂其處。唯恐有變。雖有狡猾之民。無離上之心。則不軌之臣。無已飾其智。而暴亂之奸止矣。二世不行此術。而重之。已無道。壞宗廟。與民更始。作阿房宮。繁刑嚴誅。吏治刻深。賞罰不當。賦斂無度。天下多事。吏弗能紀。百姓困窮。而主弗收恤。然後姦僞竝起。而上下相遁。蒙罪者眾。刑戮相望于道。而天下苦之。自君卿已下。至于眾庶。人懷自危之心。親處窮苦之實。咸不安其位。故易動也。是已陳涉不用湯武之賢。不藉公侯之尊。奮臂于大澤。而天下響應者。其民危也。故先王見始終之變。知存亡之機。是已收民之道。務在安

之而已。天下雖有逆行之臣，必無響應之助矣。故曰安民可與行義，而危民易與爲非。此之謂也。貴爲天子，富有天下，身不免于戮殺者，正傾非也。是二世之過也。已上文選爲中篇。史記秦始皇紀案過秦論相承分上中下三篇。曰秦孝公曰下爲上篇。秦并兼諸侯爲下篇。史記但爲一篇。而次第全異。文亦小異。最爲古本。今據錄之。

弔屈原文

并序

誼爲長沙王太傅，旣曰謫去，意不自得。及度湘水，爲賦曰：弔屈原。原，屈原楚賢臣也，被讒放逐，作離騷賦，其終篇曰：已矣哉！國無人兮，莫知我也。遂自投汨羅而死。誼追傷之，因曰：自喻其辭曰：恭承嘉惠兮，俟罪長沙。側聞屈原兮，自沈汨羅。造託湘流兮，敬弔先生。遭世罔極兮，乃殞厥身。嗚呼哀哉兮，逢時不祥。鸞鳳伏竄兮，鸕臯翱翔。關茸尊顯兮，讒諛得志。賢聖逆曳兮，方正倒植。世謂隨夷爲溷兮，謂跖蹠爲廉。莫邪爲鈍兮，鉛刀爲銛。吁嗟默默生之無故兮，幹棄周鼎。寶康瓠兮，騰駕罷牛。踰蹇驢兮，驅垂兩耳。服鹽車

兮章甫薦履漸不可久兮嗟苦先生獨離此咎兮訊曰已矣國其  
其我知兮獨壹鬱其誰語鳳漂漂其高逝兮夫固自引而遠去襲  
九淵之神龍兮沕深潛已自珍。偃蜩螗已隱處兮夫豈從蝦與蛭  
蟪所貴聖人之神德兮遠濁世而自藏使騏驥可得係而羈兮豈  
云異夫犬羊般紛紛其離此尤兮亦夫子之故也歷九州而相其  
君兮何必懷此都也鳳凰翔于千仞兮覽德輝而下之見細德之  
險微兮遙曾擊而去之彼尋常之汙瀆兮豈能容夫吞舟之巨魚  
橫江湖之鱣鯨兮固將制于螻蟻文選藝文類聚四十一案史記  
爲賦今據文選編入併  
錄其序蓋本集如此

賈捐之

捐之字君房諡曾孫元帝初待詔金馬門坐法棄市

棄珠崖議

臣幸得遭明盛之朝蒙危言之策無忌諱之患敢昧死竭卷卷臣

聞堯舜聖之盛也。禹入聖域而不優。故孔子稱堯曰大哉。韶曰盡善。禹曰無閒。已三聖之德。地方不過數千里。西被流沙。東漸于海。朔南暨聲教。迄于四海。欲與聲教則治之。不欲與者。不彊治也。故君臣歌德。含氣之物。各得其宜。武丁成王。殷周之大仁也。然地東不過江黃。西不過氐羌。南不過蠻荆。北不過朔方。是已頌聲並作。視聽之類。咸樂其生。越裳氏重九譯而獻此。非兵革之所能致。及其衰也。南征不還。齊桓揀其難。孔子定其文。已至乎秦。興兵遠攻。貪外虛內。務欲廣地。不慮其害。然地南不過閩越。北不過太原。而天下潰畔。禍卒在于二世之末。長城之歌。至今未絕。賴聖漢初興。爲百姓請命。平定天下。至孝文皇帝。閔中國未安。偃武行文。則斷獄數百。民賦四十。丁男三年而一事。時有獻千里馬者。詔曰。鸞旗在前。屬車在後。吉行日五十里。師行三十里。朕乘千里之馬。獨先安之。于是還馬與道里費。而下詔曰。朕不受獻也。其令四方毋求。

來獻當此之時逸游之樂絕奇麗之賂塞鄼衛之倡微矣夫後宮  
盛色則賢者隱處佞人川事則諍臣杜口而文帝不行故諡爲孝  
文廟稱太宗至孝武皇帝元狩六年太倉之粟紅腐而不可食都  
內之錢貫朽而不可校迺探平城之事錄冒頓以來數爲邊害籍  
兵厲馬因富民曰攘服之西連諸國至于安息東過碣石曰玄菟  
樂浪爲郡北御匈奴萬里更起營塞制南海曰爲八郡則天下斷  
獄萬數民賦數百造鹽鐵酒權之利曰佐用度猶不能足當此之  
時寇賊並起軍旅數發父戰死于前子鬪傷于後女子乘亭鄼孤  
兒號于道老母寡婦飲泣巷哭遙設虛祭想魂乎萬里之外淮南  
王盜寫虎符陰聘名士關東公孫勇等作爲使者是皆靡地泰大  
征伐不休之故也今天下獨有關東關東大者獨有齊楚民衆久  
困連年流離離其城郭相枕席于道路人情莫親父母莫樂夫婦  
至嫁妻賣子法不能禁義不能止此社稷之憂也今陛下不忍惜

惜之忿欲驅士眾擠之大海之中快心幽冥之地非所已救助仇  
僅保全元元也詩云蠶爾蠻荆大邦爲讎言聖人起則後服中國  
衰則先畔動爲國家難自古而患之久矣何況迺復其南方萬里  
之蠻乎駱越之人父子同川而浴相習日鼻飲與禽獸無異本不  
足郡縣置也顓顓獨居一海之中霧露氣溼多毒中蟲蛇水土之  
害人未見虞戰士自死又非獨珠厓有珠犀瑇瑁也棄之不足惜  
不擊不損威其民譬猶魚鼈何足貪也臣竊已往者羌軍言之暴  
師曾未一年兵出不踰千里費四十餘萬萬大司農錢盡迺召少  
府禁錢續之夫一隅爲不善費尙如此況于勞師遠攻亡士毋功  
乎求之往古則不合施之當今又不便臣愚已爲非冠帶之國禹  
貢所及春秋所治皆可且無已爲願遂棄珠厓專用恤關東爲憂

漢書賈  
捐之傳

與楊興共爲薦石顯奏



竊見石顯、本山東名族、有禮義之家也。持正六年、未嘗有過。明習于事、敏而疾、見出公門、入私門、宜賜爵關內侯、引其兄弟、曰爲諸曹。漢書賈捐之傳

又共爲薦揚興奏

竊見長安令興、幸得召見、興事父母、有曾氏之孝、事師有顏閔之材、榮名聞于四方、明詔舉茂材、列侯曰爲首、爲長安令、吏民敬鄉、道路皆稱能、觀其下筆屬文、則董仲舒、進談動辭、則東方生、置之爭臣、則汲直、用之介冑、則冠軍侯、施之治民、則趙廣漢、抱公絕私、則尹翁歸、興兼此六人而有之、守道堅固、執義不回、臨大節而不可奪、國之良臣也、可試守京兆尹。漢書賈捐之傳

公孫臣

臣魯人、文帝時召拜博士

上文帝書

始秦得水德。今漢受之。推終始傳。則漢當土德。土德之應。黃龍見。宜改正朔。易服色。色上黃。史記封禪書漢書郊祀志上又張蒼傳漢土德時其符黃龍見當改正朔易服色

新垣平

平。趙人文帝時。爲上大夫。目詐覺伏誅。

上言設五廟

長安東北有神氣成五采。若人冠纓焉。或曰。東北神明之舍。西方神明之墓也。天瑞下。宜立祠上帝。曰合符應。史記封禪書漢書郊祀志上

又言日再中

臣候日再中。居頃之日。卻復中。同上

又言迎周鼎

周鼎亡在泗水中。今河溢通泗。臣望東北汾陰。直有金寶氣。意周鼎其出乎。兆見不迎。則不至。同上

賜進士出身二品銜廣東等處提刑按察使司按察使兼管驛傳事務黃岡王毓藻校刊

全漢文卷十六終